



COMUNU DE SOLÈMINIS

Provìntzia de sa Sardìnnia de Bàsciu

Bia Crèsia 18, 09040 – Solèminis (SU – Sud Sardìnnia)
Còdixi Fiscali (CF) 80005100922 - Partida Iva (PI) 01430300929

SU SERBÌTZIU DE ARREGORTA DIFERANTZIADA

(Primu pàgina de su Giassu istitutzionali de su Comunu > Serbìtzius po > Su tzitadinu)

De su serbìtziu de arregorta diferantziada de s'àliga si-ndi incurat s'Unioni de is Comunas de su Patiolla e de su Capu de Bàsciu.

Su serbìtziu de arregorta diferantziada ddu faint passendi in s'eca de dònna domu, asinunca ddui est s'Ecutzentru Comunali.

Dònna tzitadinu de Solèminis, tenendi a cunsideru is abisòngius suos, podit scioberai de nci ponni s'àliga in is strexus e sachusetus fatus apostas, in s'eca (de domu sua o de s'atividadis imprenditoriali), po ndi dda fai pinnigai a sa dita incarrigada, asinunca s'àliga diferantziada nci dda podit tragai a s'Ecutzentru Comunali in is diis e oràrius de obertura, fora de atendi chi passint a ndi dda pinnigai passendi in s'eca de dònna domu.

Po anca fai arrennèsci s'arregorta diferantziada, spetat a dònna tzitadinu de si-ndi pigai s'impènniu a ndi fai pagu de àliga, est a nai, smenguendi de imperai is itasinantas "impera e fòlia" (= "*usa e getta*") e diferantziendi, su prus chi podit, sa matessi àliga.

S'arregorta passendi in s'eca de dònna domu

S'arregorta passendi in s'eca de dònna domu cunsistit a ndi pinnigai s'àliga chi innantis is tzitadinus ant diferantziiau in domu, in is diis fissaus e inditaus in su Calendàriu de su Comunu de Solèminis.

Dònna tzitadinu tenit su doveri de nci ponni s'àliga diferantziada in sa pùbrica bia, no atesu de su nùmeru tzìvicu de domu sua o de s'atividadu imprenditoriali, in cunsideru de s'arratza de àliga e de is frequèntzias inditadas in su matessi Calendàriu.

A ndi lassai foliada s'àliga in sa bia in is diis, oràrius e logus no stabilius at a cumportai multas amministrativas, cunforma a s'articulu cincuenta de su Decretu Legislativu nùmeru bintiduu de su Milli-noixentus-norantaseti (D. Lgs. 22/97, art. 50).

Su Calendàriu de s'àliga

Su Calendàriu de s'àliga de su Comunu de Solèminis est sa primu aina chi su tzitadinu imperat po mellus fai s'arregorta diferantziada e, ligendi-ddu, ndi benit a sciri:

- dònna cantu diis, tenendi contu de s'arratza de àliga, sa dita incarrigada passat a ndi dda pinnigai;
- is oràrius de arrispetai po dda ponni in sa pùbrica bia;
- is diis e is oràrius de obertura de s'Ecutzentu Comunali;
- informatzionis de comentu spartziri s'àliga sa prus comuna fata in domu;
- su nùmeru birdi po fai s'arregorta o recramus, preguntai calisiat informatzioni de comentu fai a dda arregorti e prenotai po ndi fai pinnigai is trastus de strobis mannus e s'ollu vegetali.

Su Calendàriu de s'àliga, fatu de paperi, de su Comunu de Solèminis si podit arretirai in s'Ufìtziu Tènnicu de su Comunu, asinunca est de consultai in domu, in su pròpiu fueddatesu-intelligenti (= *smartphone*) o in sa computadora (= *pc*), andendi a biri is liòngius de custa pàgina: <https://www.comune.soleminis.su.it/index.php/servizio/124>.

S'Ecutzentu Comunali

S'Ecutzentu Comunali est in su logu chi nant "Su Forreddu", a s'intrada de bia Roma e acanta de su ponti ferrubiàriu.

Bogaus a foras is frazionis de ÒMIDU e de SICU INDIFERANTZIAU, a s'Ecutzentu Comunali is tzitadinus nci podint tragai totu s'àliga no ùmida tzìvili e totu su chi ddi assimbillat, chi pinnigant – comentu a arrègula – finas cun su serbìtziu passendi in s'eca de dònna domu.

In prus, a s'Ecutzentu Comunali si-nci podit tragai s'àliga afatanti:

- is arruinas e is arrestus tostaos chi ndi benint a s'acabu de traballedus fatus in domu;
- is strexus de vernissu sbuidus o prenu a metadi;

- sa trinciadura de s'erba e su follàmini pudau in is giardinus de domu, candu in cantidadi manna no ddus pinnigant cun s'arregorta de domu in domu;
- is trastus e is imboddicamentus de pràstica "tostada", diferenti de sa pràstica chi pinnigant cun s'arregorta in s'eca de domu in domu (a ndi nai unas cantu: is cascitas de fruta, is gioghitus, is strexus mannus de pràstica limpius).

Su nci tragai custa àliga a s'Ecutzentru Comunali agiudat a mellorai s'arrelatu intra sa indiferantziada e sa diferantziada, amostendi unu bonu imparu e arrisparmiendi su dinai chi su Comunu e is tzitadinus sbussant po su serbìtziu de s'arregorta de s'àliga.

Sa lista de is diferentis arratzas de àliga e su tanti màssimu de nci podi tragai a s'Ecutzentru Comunali s'agatat crichendi in su butoni de su liòngiu "Lista Àliga Ecutzentru", in sa parti de a suta de sa pàgina arremonada.

Is diis e is oràrius de traballu de s'Ecutzentru Comunali funt:

- su Lunis a mengianu (de is noi oras a mesudii – 9.00-12.00);
- su Mèrcuris a pusti-pràngiu (de is duas a is cincu a de a meri – 14.00-17.00);
- su Sàbudu a mengianu (de is otu a mesudii – 8.00-12.00).

Po anca ddui tenni in prus scedas de comentu fai s'arregorta diferantziada, tocat a intrai in sa pàgina dedicada in su giassu de s'Unioni de is Comunas de su Patiolla e Capu de Bàsciu, asinunca a telefonai a su nùmeru birdi scritu in su Calendùriu po s'arregorta.

Ufìtziu de Arrelatu: "Arretzas e Imprantus Tenniològicus"

- Indiritzu: *bia Crèsia n° 18, 09040 Solèminis (Sardinnia de Bàsciu - SU) – Munitzipiu Pranu Terra*

- Telèfunu: *070/7499026*

- Fax: *070/749050*

- Curreu Eletrònicu: *servizitecnologici@comune.soleminis.su.it*

- Curreu Eletrònicu Tzertificau: *protocollo.soleminis@pec.comune.it*

- Oràriu:

Su Lunis a mengianu (de is otu e mesu a is ùndixi e mesu – 8.30-11.30) e a meri (de is tres a is cuàturu e mesu – 15.00-16.30);

Su Mèrcuris a meri (de is tres a is cuàturu e mesu – 15.00-16.30).

Custu Ufìtziu est incarrigau de curai sa manuntentzioni, ordinària e a foras de s'ordinàriu, de is siendas comunalis (imòbilis, bias, birdi pùbricu, àteras àreas, e sighendi a nai) e de is serbìtzius e lassat is autorizatzionis de interverni in is bias.

A sa cumpetèntzia de s'Ufìtziu spetat:

- su segai is bias;
- s'illumintzioni pùbrica, is cartellus sinnaladoris de is bias, sa manutentzioni de is bias, is pratzas e su birdu pùbricu;
- is acàpius de s'acqua e de is cunetas a is arretzas pùbricas;
- sa manutentzioni de is struturas e imprantus de fàbricus pùbricus e de is scolas;
- is serbìtziu ecològicus.

Segadura de is bias

Sincasu abisòngiat, po sa manutentzioni de is imprantus tenniològicus e is acàpius a is arretzas tenniològicas po su prus, de interveni in sa terra pùbrica, si-nci depit mandai apòsita pregunta de autorizazioni edilizia a s'Ufitziu Tènnicu Comunali.

In sa pregunta ddui depint capi is scedas strintas-strintas chi sighint:

- sa bia e su nùmeru tzìvicu de s'interventu;
- su comentu fai;
- sa mannària de sa segada de sa bia (longària, largària, profundidadi);
- is datus de s'impresa chi at a depi fai is traballus cun s'amosta de su nùmeru de telèfunu.

Acàpius Arretza po s'acqua e po is cunetas

S'umperadori depit presentai pregunta, cun duas marcas bulladas de èurus dexi e trinta (€ 10,30), a s'Ufitziu ESAF (Enti Sardu Acuedotus e Cunetas) de su Comunu, anca ddui est s'Ufitziu Tènnicu Comunali, obertu su martis e sa giòbia de is noi oras a is dexi de a mengianu (9.00-10.00), cumpilada a pitzus de mòdulus fatus aposta po s'arretza de s'acqua e po is cunetas puru. Su mòdulu, firmau de su funtaneri de s'ESAF, depit èssiri presentau a s'Ufitziu Tènnicu Comunali chi at a ddui contrafirmari e a ndi lassai s'autorizazioni a su scarrìgu, sincasu de acàpiu de is cunetas sceti.

Sincasu, invècias, chi in su logu interessau no ddui siat s'arretza de is cunetas, lassant una atestazioni de "assèntzia de pùbrica cuneta".

Serbìtzius ecològicus

Arregorta àliga tostada tzìvili no diferantziada.